



Inatsisartunut ilaasortaq Justus Hansen, Demokraatit
/Maani

**Inissianut tunngasut unammilligassat pillugit §37 naapertorlugu apeqquummut
2020-048-imut akissuteqaat**

23-03-2020
Sullap nr.: 2020 - 4232
Id nr. 51375383

Asasara Justus

Inissianut tunngasut unammilligassat pillugit Inatsisartut Suleriaasianni § 37
naapertorlugu Naalakkersuisunut apeqquteqarputit. Apeqqutitit uannut
akisassanngorlugit innersuunneqarput. Apeqqutit matuma kinguliani ataasiakkaarlugit
issuarneqarput, akissuteqaatinik malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1. Namminersorlutik oqartussani tamatumani naalakkersuisoqarfinni,
aqutsisoqarfinni aammalu suliffeqarfiit namminersorlutik oqartussanit
pigineqartuni sulisunut inissiaatit attartortinneqartartut namminersortuniit
qassit pigineqarpat? Ilaatigut atuarsimavara Peqqinnissaqarfik namminersortunit
inissianik sulisuminut attartortorteqqitassaminnik attartortartoq.**

**Tassani pineqarput Naalakkersuisoqarfiit, aqutsisoqarfinni aammalu suliffeqarfiit
namminersorlutik oqartussanit pigineqartuut attartortitsisartullu namminersortut
akornganni inissianik attartornissamut isumaqatigiissutaasimasut, aammalu
attartuisitsisartut namminersortut INI A/S imaluunniit Illuut A/S-llu akornganni
inuinnarnut, imaluunniit sulisunut inissianik attartuinissamut
isumaqatigiissutigisimasaat. Akissummi inissiat qassiunersut illoqarfikkaarlugit
immikkoortinneqassapput.**

Akissut: Aningaasaqarnermut Sulisoqarnermullu Aqutsisoqarfimmiit
Naalakkersuisoqarfik akissutissamik piniarpoq. Aningaasaqarnermut Sulisoqarnermullu
Aqutsisoqarfiup Nuummi sulisunut inissianut normunik innersuussisarneq
allaffissornikkut aquppa, aammalu paasissutissiilluni:

*"Ataasiakkaat ilaatinneqanngitsut, soorlu Naalakkersuisup allattai il.il.,
eqqaassanngikkaanni, atuuttumik tulleriiaartuni normumik peqarani sulisunut inissiamik
tunniussisoqarsinnaanngilaq. Sulisunut inissiat tunniunneqartartut INI-imi aamma Illuut-
mi sulisunut inissiatut atugassaneersuupput.*

*Matuma siuliani allassimasut peqqissutsimut suliassaqarfimmut atuutinnigillat, taakkua
nammineerlutik inissianik atugassaqarmata aammalu nammineq malittarisassaqarlutik."*

Aningaasaqarnermut Sulisoqarnermullu Aqutsisoqarfik aammattaq paasissutissiivoq,
attartortittakkat sulisunut inissiatut atugassat pillugit Aningaasaqarnermut
Sulisooqarnermullu Aqutsisoqarfik isumaqatigiissuteqarsimanngitsaq.

Apeqqutit Peqqissutsimut Naalakkersuisoqarfimmut nassiunneqarsimapput, taamaattoq
taanna ilassutissaqarsimanani.

2. Namminersorlutik oqartussat ataaniittullu Naalackersuisoqarfiit, aqutsisoqarfinni aammalu suliffeqarfiit namminersorlutik oqartussanit pigineqartut ukiumi ingerlareersumi aammalu ukiuni 2017, 2018 aammalu 2019-mi inissianut namminersortunik aqunneqartunut qanoq aningaasartuuteqarsimappat? Akissummi aningaasartuutit qanoq annertutiginersut illoqarfikkaarlugit immikkoortinneqassapput.

Akissut: Apeqqummut 1-imut akissut takuuk.

3. Inissianik naliginnaasunik attartuisut aammalu sulisunut inissiaatinik attartuisut qulaani isumaqatigiissutaasimasut malillugit akimik piviusumik akiliisarpat?

a. Akissut naamiuppat, Namminersorlutik oqartussat ataaniittullu Naalackersuisoqarfiit, aqutsisoqarfinni aammalu suliffeqarfiit namminersorlutik oqartussanit pigineqartut namminersorlutik inissianik attartortitsisartunit inissiaminnut akigititaat, inissianut naliginnaasunut imaluunniit sulisunut inissiaatinut aningaasartuutaasuni assigiinngissutaasumut qanoq annertutigisumik matusisarnersut qaammarsaqquneqarpoq? Akissutit aamma illoqarfikkaarlugit immikkoortinneqassapput, taamaalinikkut assersuussisoqarsinnaanngortillugu.

Akissut: Sulisunut inissiat pillugit apeqqummut 1-imut akissut takuuk. Namminersorlutik Oqartussat inissiaataannut ineqarnermut akiliutip naatsorsorneqarneranut tunngatillugu, taakkua attartortitsisarnermut peqqussummi aalajangersakkat aallaavigalugit naatsorsorneqarput.

4. Naalackersuisut tusagassiutitut nalunaarutaanni februaarip 11-iani 2020 oqaatigineqarpoq Nuummi inissiat inoqanngitsut 100-juusut massakkullu nutaanik inuttaqalernissamut piareersarneqaleruttortut. Nalunaarutigeqquneqarpoq inissiat taakkua ataasiakkaat qanoq sivistigisumik inuttaqarsimannginnersut aammalu piffissaq piviusoq tunngavingalugu qaqugu atorneqarsinnaalissanersut.

Akissut: Tusagassiutitigut nalunaarummi ulloq 12. februar 2020-imeersumi paasissutissiissutigineqartut, inissiat inoqanngitsut ilaannut annertunerusumik annikinnerusumilluunniit inissianik iluarsaassineq pissutaavoq. Namminersorlutik Oqartussat attartortittagaasa sapinngisamik sukkanerpaamik attartortinneqartarnissaat INI A/S-ip soorunami ilungersuutigaa, kisianni tamatumunnga ilaatigut isumalluutit apeqqutaapput, assarsorluni suliaqartartut suliamik tiguisinnaanerat aamma apeqqutaalluni.

Inussiarnersumik inuulluaqqusillunga


Karl Frederik Danielsen